

Lappi pue'rrvââjjamvu'u'd  
vu'vddhalltõs

LAPHA/676/01.01.01/2023

**36 § Ä'sštobdditääimi alttummuš oudâsviikkâm- da strategiakääzkkõõz -  
tâimmamvouda**

Lappi pue'rrvââjjamvu'u'd vu'vddhalltõs 36 § 25.1.2023

Oou'deemjää'dteei Mikko Häikiö

Vaaldšemvuâkkõõz 22 § mie'ldd Lappi pue'rrvââjjamvu'u'd tâimm juâkkâätt tâimmsue'rijid, kook lie sosiaalkääzkkõõz, tiõrvâsvuõttkääzkkõõz da peälštemtâimm (peälštemstrooi'tel). Tâimmsue'rij vuei'tte juâkkõõttâd oudâs vasttõsvuu'did, vasttõsjuâkksid da taarblaž vue'lljuâkksid. Tâimmsue'ri lââ'ssen tuâjjlažkâ'ddorganisaatiost lie tuärjeemtâaim, kook vuei'tte juâkkõõttâd tâimmsue'rijid, vasttõsvuu'did, vasttõsjuâkksid da taarblaž vue'lljuâkksid tõnnalla ko vu'vddhalltõs lij tu'mmjam.

Vu'vddhalltõs priimi 5.10.2022 § 286, što oudâsviikkâm- da strategiakääzkkõõz - tâimmsue'rij organisâ'sttet o'dđdest. Vasttõsjuâggasjue'kkem valmštõ'lleš õhttsažtuâjast tâimmsue'rij vasttõsvu'vddjää'dteejivui'm da ä'sštobddivalmštõõlivui'm.

Vaaldšemvuâkkõs meä'rat 37§ Sää'mkiõl lu'vddkââ'dd, 39§ Vuässadvuõtt- da ä'sšneķvuõttlu'vddkââ'dd da 40§ Pue'rrvââjjam- da õhttsažtuâjjlu'vddkââ'dd tuâjaid da tâimmvää'ld. Ouddâl peäggatum lu'vddkââ'ddin lij aalmjallaš tuâjai da tâimmvää'ld raamin õõlgtõs ouddm. u'vdded ciâlkâlm täallarvvlõõzâst da tâimmamplaanâst lu'vddkââ'ddi tuâjjvu'u'd beä'lnn. Lu'vddkââ'dd lie-i ouddam såbbrinez: 16.12.2022 § 4 Sää'mkiõl ohjjeemjoukk, 17.11.2022 36§ Vuässadvuõtt- da ä'sšneķvuõttlu'vddkââ'dd da 13.12.2022 44§ Pue'rrvââjjam- da õhttsažtuâjjlu'vddkââ'dd vuainmeez resuursin, koid taarbšet lu'vddkââ'ddi tuâjjvu'u'ddest. Ooudbeä'lnn peäggatum ciâlkâlm lie u'vddum teâttan vu'vddhalltõ'sse.

**Vuässadvuõtt-tuâj da vaaktemorgaani valmštõõllmõõžž resuurs**

Vuässadvuõtt- da ä'sšneķvuõttlu'vddkââ'dd lij teaddâam 17.11.2022 § 36, što pue'rrvââjjamvu'vdd lij tâimmpirrõssân ođđ da vuässadvuõđ, vuässõõttmõõžž da vaiktummuž rajjsi valmštõõllmõš, raajjmõš da čõõđtummuš õõlgtē ri'jttjeei resuursid nu't strateeglaž planummuž da koordinâsttmõõžž ko še vue'kkēn åarrai čõõđtummuž tää'zzest. Vooudlaž vuässadvuõđ da vuässõõttmõõžž õhttsažtuâjsäimmõõzž raajjmõšše še õõlgtē sa'tssjed, tõ'nt ko vuu'd aazzi da ä'sšnee'kkē lie õhttsaž. Jeä'rben ålgg sa'tssjed

Lapin pue'rrvââjjamvu'vdd  
vu'vddhalltõs

âlddlõs õhttsažtuõjju kââ'ddivui'm. Resuursid da tååimid taarbšet še vasttõsvuu'di da kââzkkõsvuu'di vuâssadvuõđ, vuâssõõttmõõžž da vaikktummuž oudâsviikkmõõšše.

Lu'vddkââ'dd sâbbar mânŋa leät saggstõõllâm tân ää'sšest kuhttuin vuâssadvuõttä'sštobddin da lu'vddkââ'dd saaggjââ'dteejin, što puõ'tti vuâssadvuõtt- da ä'sšnekvuõttlu'vddkââ'dd sâbbara, mõõn ââ'net 26.1.2023, viiggât tää'rktum e'tkkõs resursstaarbin, koon mie'ldd vuâssadvuõtt-tuâj da vaaiktemorgaani valmštõõllmõõžž resurssân e'tkkëet kolmm (3) tååim:

- spesiaalä'sštobddi, va'stteemvalmštõõlli, vuâssõõttmõõš da vaikktummuž (aassivuâssadvuõtt)
- spesiaalä'sštobddi, vuâssadvuõtt (ä'sšnekvuâssadvuõtt)
- ä'sštobddi, vuâssadvuõtt-tâimmorgaan

Lââ'ssen lu'vddkââ'dd puätt e'tkkëed, što Sosiaalkââzkkõõžžid altteet nellj (4) kââzkkõsvu'vddpuõđlaž pue'rrvââjjam- da vuâssadvuõttkoordinaattoor tååim.

Koordinaattoor tåimma kââzkkõsvuu'dstез pue'rrvââjjamvu'vdd õhttvuõttooumžen da ä'sštobddjen vuâssadvuõ'tte, õhttsažtuâjtoimmu da aassji tiõrvâsvuõđ da pue'rrvââjjam oudâsviikkmõõžž kuõskki aa'sšin. Koordinaattoor koordinâ'stte da tue'rjje vuu'dstез vuâssadvuõtt-, õhttsažtuâj- da pue'rrvââjjamtuâj, mõõn tuejjeet sosiaal- da tiõrvâsvuõtt- da peälštemkââzkkõõžžin.

### **Pue'rrvââjjam, tiõrvâsvuõđ da staanvuõđ oudâsviikkmõõžž resuurs**

Pue'rrvââjjamvu'vdd âlgg ouu'deed aassjines pue'rrvââjjam da tiõrvâsvuõđ (lää'kkõ sosiaal- da tiõrvâsvuõđhuâl riâššmõõžžâst, 612/2021, 7š).

Tuâj kuâskk ravvsanja pue'rrvââjjamvu'vdd jee'res lää'jjest mie'rrium tuâjaid. Pue'rrvââjjam da tiõrvâsvuõđ oudâsviikkmõõžž tuâjij lij tåimmsânji kõskksaž õhttsažtuâjast, koon tuejjeet kââ'ddivui'm, jee'res õlmsaž toi'mmjeeivui'm, privatt põrggsivui'm da aalmlânji äukkai õutstõõžživui'm. Tuâj huõđđu vä'lddmõš õõlgat čiõlgg pue'rrvââjjamjââ'dtummuž rajjsid, tuâjij-juâgg da mie'rrmeâldlaž resursâsttmõõžž.

Pue'rrvââjjamvu'vdd âlgg tåimmad õhttsažtuâjast vuu'des kââ'ddivui'm da tue'rjjeed tõid ä'sštobddmõõžžines (Lää'kkõ sosiaal- da tiõrvâsvuõđhuâl riâššmõõžžâst, 612/2021, 7š). Kââ'dd da jee'res čõõnâsjoouk vuerdde jiânai pue'rrvââjjamvu'vdd pue'rrvââjjam, tiõrvâsvuõđ da staanvuõđ oudâsviikkâmtuâjast.

Lappi pue'rrvââjjamvu'u'd  
vu'vddhalltõs

Pue'rrvââjjam- da õhttsažtuâjju'vddkâ'dd kiõtt'tõõli såbbrestes 13.12.2022 § 44 e'tkõõzž pue'rrvââjjam, tiõrvâsvuõđ da staanvuõđ obbvuõđ resuursin vue'ssen ciâlkâlmes, koon tõt uu'di ee'jj 2023 täällarvvlõõzž da teä'ğg'täällplaan valmštõõllmõõžžâst.

E'tkõõket, što pue'rrvââjjam, tiõrvâsvuõđ da staanvuõđ oudâsviikkmõõžž obbvuõđ tuâj juâkkâ'tte puõ'tti nalla:

- spesiaalä'sštobddi, va'steemvalmštõõlli, pue'rrvââjjam, tiõrvâsvuõđ da staanvuõđ oudâsviikkmõõš
- ä'sštobddi, organisaatio-õhttsažtuâjj
- ä'sštobddi, cõggi tuâjj

Lââ'ssen lu'vddkâ'dd puätt e'tkõõked, što Sosiaalkäâzkkõõzžid alteet nellj (4) kääzkkõsvu'vddpuõđlaž pue'rrvââjjam- da vuâssadvuõttkoordinaattoor tääim. Koordinaattoor tääim kääzkkõsvu'u'dstez pue'rrvââjjamvu'u'd õhttvuõttoumžen da ä'sštobddjen õhttsažtuâjjtääim, aassji tiõrvâsvuõđ da pue'rrvââjjam oudâsviikkmõõžž di vuâssadvuõđ kuõskki aa'sšin. Koordinaattoor koordinâ'stte da tue'rjje vuu'dstez vuâssadvuõtt-, õhttsažtuâjj- da pue'rrvââjjamtuâj, mõõn tuejjeet sosiaal- da tiõrvâsvuõtt- da peälštemkääzkkõõzžin.

### **Sää'mkiõllsaž da kulttuurmeâldlaž kääzkkõõzzi oudâsviikkmõõžž resuurs**

Sää'mkiõl ohjeemjoukk kiõtt'tõõli 16.12.2022 såbbrestes sää'mkiõl ohjeemjoukk e'tkõõzž ee'jj 2023 täällarvvlõ'sse da teä'ğg'täällplaa'ne. Sää'mkiõl ohjeemjoukk kommentõõ'sti ciâlkâlmstes taarblaž resuursid še. Ohjeemjoukk mie'ldd resursstarbb vuâđđ ouu'deemvää'jjuvõ'tte, mii lij juâtkkjam kuu'kk sää'mkiõllsaž da kulttuurmeâldlaž kääzkkõõzžin (THL 2021), mottjam lää'jjiõttummuž mie'ldd puättam ođđ õõlgtõõzžid sää'mkiõllsaž kääzkkõõzzi puõtt (lää'kk sosiaal- da tiõrvâsvuõttkääzkkõõzzi riâššmõõžžâst 612/2021, 29§ da 33§) di sää'mkiõll-lää'jj (1086/2003) cõõđtummsa.

Sää'mkiõl ohjeemjoukk e'tkõõkad ouu'deem- da strategiakääzkkõõzžid sää'mkiõllsaž da kulttuurmeâldlaž kääzkkõõzzi oudâsviikkmõõžž vasttõsjuâkksa puõ'tti resuursid:

- Ä'sštobddi, sää'mkiõllsaž da kulttuurmeâldlaž kääzkkõõzzi teâđpuu't'tõs
- Ä'sštobddi, sää'mkiõllsaž da kulttuurmeâldlaž kääzkkõõzzi oudâsviikkmõõš
- 2 kiõlltuâjjla, pue'rrvââjjamvu'u'd vaaldâšm, saakkummuž da puõcci- da ä'sšneķä'sškkii'rji jāârglõõzž tõn sää'mkiõlle, mõõn tuâjjlaž jiõčč mainast

Meâlddõs 1. Alteemnalla le'ddi tääimi tää'rķab vuâđđõõttmõõžž da tuâjkoov

Lapin pue'rrvââjjamvu'vdd  
vu'vddhalltõs

Vaaldšemvuâkkõõzz 52 § mie'ldd vu'vddhalltõõzzâst lij õõlmâstâimmvâ'ldd tuâjjlažkâ'ddaa'sšin, jõs tâimmvâä'ldest jeä't leäkku mie'rroom lää'jjest jeä't ni vaaldšemvuâkkõõzzâst. Vaaldšemvuâkkõõzz 53 § mie'ldd vu'vddhalltõs tu'mmai jee'res vii'rji ko pue'rrvââjjamvu'vddjää'dteei vee'rij alttummšest da loopptummšest da ve'rğğnõmmõõgg muttsest. Jee'res ko pue'rrvââjjamvu'vddjää'dteei vee'rij âä'ntemõõlgtõõzzin tu'mmai vu'vddhalltõs (vaaldšemvuâkkõõzz 55§). Vee'rij le'be ve'rğğkõskkvuõđ kuulat ooccâmnalla ve'rğğneķ, mii tu'mmai ve'rğğkõskkvuõ'tte vä'lddmõõžžâst (vaaldšemvuâkkõõzz 56§).

Alteemnalla åårrai 10 ä'sštobdditååim pa'lķķeemkool tuâju'vddikoolines lie nu'tt-a 570 000 - 590 000 eu'rred ee'jjest. Pa'lķķeemkoolid leä't välddam lokku pue'rrvââjjamvu'vdd täällarvvlõõzzâst ekka 2023.

**Pâ'lddmaterial**

Alteemnalla åårrai tâåimi täärķab vuâđđõõttmõõžž da tuâjikkoov

**E'tķķõs****Pue'rrvââjjamvu'vddjää'dteei**

Vu'vddhalltõs tu'mmai

1. alteed kolmm (3) spesiaalä'sštobdi tâåim, âä'ntemõõlgtõõssân suâvldeei pââibuž õllškooultu'tķķõs;
2. alteed kolmm (3) ä'sštobdi tâåim, âä'ntemõõlgtõõssân suâvldeei õllškooultu'tķķõs;
3. alteed ä'sštobdi (sää'mķiõllsaž da kulttuurmeâldlaž kääzzkõõzzi ooudâsviikkõõš) tâåim, âä'ntemõõlgtõõssân suâvldeei õllškooultu'tķķõs da sää'mķiõl silttõs;
4. alteed ä'sštobdi (sää'mķiõllsaž da kulttuurmeâldlaž kääzzkõõzzi teâđpuu't'tõs) tâåim, âä'ntemõõlgtõõssân suâvldeei õllškooultu'tķķõs da sää'mķiõl silttõs;
5. alteed kue'htt (2) ķiõlltuâjjla tâåim, âä'ntemõõlgtõõssân suâvldeei õllškooultu'tķķõs da tuõđi šiõgg sää'mķiõl silttõs (tâ'vv-, aanar- le'be nuõrttsää'mķiõll);
6. što tâimmsue'rğğjää'dteei le'be suu mie'rrääm vasttõsvu'vddjää'dteei tu'mmai juõ'ķķkaž vee'rij vasttõsvu'vdd da vasttõsjuâkkaz;
7. što ouddâl peäggatum tâåimid pijjât õlmmsest ooccâmnalla.

**Lââ'ssteâđ**

Oou'deemjää'dteei Mikko Häikiõ  
te'l. 040 772 7211  
mikko.haikio@lapha.fi

Vaaldšemjää'dteei Harri Tiuraniemi



**lapha.fi**

Lapin hyvinvointialue  
Lappi buresveadjinguovlu  
Laapi pyereestvaijeemkuávlu  
Lappi pue'rrvââjjamvu'vdd

Sååbbarpei'w  
25.1.2023

Lappi pue'rrvââjjamvuu'd  
vu'vddhaltõs

---

te'l. 040 665 9734  
harri.tiuraniemi@lapha.fi